

《佛說無量壽經》 補充講表

◎附表二十一

○生彼國者，皆悉住於正定之聚。

◎第十一願、住定證滅

設我得佛，國中天人，不住定聚，必至滅度者，不取正覺。

*三定聚：乃約成就聖道的修行立場來分類：一、邪定聚，二、正定聚，三、不定聚。聚即聚類。

*滿益大師於《大乘起信論裂網疏》卷四云：「統論眾生，有三種類：

一、邪定聚：謂未種出世善根，不信出世正法。

二、正定聚：謂發心已上，永不退轉。（即發三種心：一者直心：正念真如法故。二者深
心：樂集一切諸善行故。三者大悲心：欲拔一切眾生苦故。）

三、不定聚：謂已種出世善根，信出世法；然於三乘法中，未有決定趣向也。

*若小教中，證須陀洹，便名入正定聚。

*深信業果者，總明善根所依也。行十善道者，世間善根力也。厭生死苦者，出世善根力也。求無上覺者，出世上上善根力也。此三善根，前不具後，後必具前。」

○諸有眾生，聞其名號，信心歡喜

*蕩益大師於《大乘百法明門論直解》云：「

信者，於實德能，深忍樂欲，心淨而為體性；對治不信，樂求善法而為業用。

謂于諸法實事理中，深信其為實有而隨順忍可。

復於三寶真淨德中，深信而生喜樂。

又於一切世出世善，深信其有力，能得樂果，能成聖道，而起希望之欲。

由斯對治不信實德能之惡心，愛樂證修世出世善。」

*《梵網經菩薩戒本》云：「大眾心諦信，汝是當成佛，我是已成佛，常作如是信，戒品已具足。」

*《觀無量壽佛經》云：「阿彌陀佛有八萬四千相，一一相中，各有八萬四千隨形好；一一好中，復

有八萬四千光明；一一光明，徧照十方世界念佛眾生，攝取不捨。」

○其有至心願生彼國

*善導大師於《觀經四帖疏》卷第四云：「

一者，至誠心：至者，真；誠者，實。欲明一切眾生身口意業，所修解行，必須真實心中作。不得外

現賢善精進之相，內懷虛假。

二者、深心，即是深信之心也。亦有二種：

（一者）、決定深信自身現是罪惡生死凡夫，曠劫已來，常沒常流轉，無有出離之緣。

（二者）、決定深信彼阿彌陀佛四十八願攝受眾生，無疑無慮。乘彼願力，定得往生。」

三者、迴向發願心：言迴向發願心者。過去及以今生身口意業所修世、出世善根，及隨喜他一切凡聖

身口意業所修世、出世善根，以此自他所修善根，悉皆真實深信心中；迴向願生

彼國，故名迴向發願心也。又迴向發願願生者。必須決定真實心中迴向願作得生想。」

又云：「又言迴向者。生彼國已，還起大悲，迴入生死教化眾生，亦名迴向也。」

○發菩提心

一、曇鸞大師《往生論註》云：「此無上菩提心，即是願作佛心。願作佛心者，即是度眾生心。度眾生心者，即攝取眾生淨佛國土心。」

二、善導大師於《觀經四帖疏》卷第四云：「次就上品下生位中，……唯發一念厭苦，樂生諸佛境界，速滿菩薩大悲願行；還入生死，普度眾生，故名發菩提心也。」

三、蕩益大師於《彌陀要解》云：「具此深信，方能發於大願。深信發願，即無上菩提。合此信願，為淨土指南；由此而執持名號，乃為正行。」

○欲於今世見無量壽佛，應發無上菩提之心，修行功德，願生彼國。

*《普賢行願品》云：「我既往生彼國已，現前成就此大願，一切圓滿盡無餘，利樂一切眾生界。」